


Theologia.

Teol. 4188.

Klovasski Paulini: Mariologia seu Conclusiones
ex angelica salutatione Deiparae Virginis
depromptae.



D.

O.

M.

A.

MARIOLOGIA

S E V

CONCLVSIONES

EX ANGELICA SALVTATIONE

DEIPARÆ VIRGINIS DE PROMPTÆ.

Sub Auspiciis



Illustrissimi Principis & Reuerendissimi Dñi,
 D. MARTINI SZYSKOWSKI,
 Episcopi Cracouiensis, Ducis Seuerien.

Publicè

Propugnandæ.



Fr. PAVLINO KLÓDAWSKI FF. Erem. Ordinis
 S. PAULI primi Eremitæ Professo.

In claro Monte CZESTOCHOVIENSI Anno Domini
 1626. Mensis Die

Presidente V. Patre

F. GASPARO BIEDRZYCHOWSKI
 Ordinis eiusdem S.T. Doctore.

CRA-
COVIÆTypis
Cesarianis.

An.

a.

IN STEMMATA.



59658
III

QVod Sydus cui talis honos? Insigne salutis
Crux, inter, Lunæ, cornua versa, nitet.
O virtutis Opus, sociâ Pietate triumphans
Quàm tua, Præfuleâ, Stemmata digna, domo.
una ruinosas vitij, diuerberat vmbras,
Crux non ambiguam, monstrat ad Astra, viam.

ILLVSTRISSIMO PRINCIPI

ET

Reuerendissimo Domino, D.

MARTINO
SZYSZKOWSKI,

Dei & Apostolicæ Sedis Gratia

EPISCOPO CRACOVIENSI,
Duci Seuerienti.

SALVTEM ET PERPETVAM FELICITATEM.

NOVIMVS iam bellè, Princeps
ILLustrissime, gentilitium Sydus
Tuum, sic esse honorum illustre
splendoribus, ut nihil è terris ad-
di amplius posse illi videatur: atq̃
ideò infirmis licet at non Dadaleis
studij Mariologici exciti pennis, nouam è cælis ad
Tuum tam eximium splendorem, traximus clari-
tatem. Ergo ne ut Prometheus quondam reuecti
gratiam ignis? absit. Quid igitur? Cælestem il-
lam, æternum lumen & Solem iustitiæ enixam,
Lunistuisiungimus Lunam. Complebit perenni
A 2 illa

illa crede ignes coruscum eternabit tam diu lumen,
quàm diu radiis illa suis Tuas collustrabit faces.
Quare polum humanitatis Tuae indue serenum,
nobisq; qui lucentibus inextinctis hisce luminibus
pro aris populisq; Diuæ huic commendatis vigiles
agere conamur excubias; faue. Ibimus nec enim
dubito luce traduce ista, caliginis securi inoffenso
pede, umbras liuoris vitabimus horridas, & malos
Stygis dolos, quos fraude Tænaria ferus struit Orci
Satelles. Vale felix & viue diuturnus.

Illustrissimæ Celsitudinis Vestræ

Seruus in Christo humillimus.

Fr. Paulinus Kłodawski,
Ordinis Sancti Pauli primi
Eremitæ Professus.

MA.

MARIOLOGIA

SEV

CONCLVSIONES

EX ANGELICA SALVTATIONE

Deipare Virginis depromptæ.

AVE

Sacrosanctum Incarnationis Dominicæ secretum, potuit Deus immediate per se ipsum Virgini reuelare, ne tamen in hoc Diuinissimo mysterio, quod in communem omnium salutem institutum est à communi ordinationis lege, secundum quam mediantibus Angelis Diuina ad homines perueniunt, recederet; conuenienter huius legationis functionem Angelo demandauit, qui Virgini quod Christum esset conceptura, annuntiaret.

An vero hæc reuelatio ex parte Virginis necessaria fuerit? non dubito. Expressam enim & distinctam fidem de hoc licet habuerit mysterio, non tamen certò sibi constabat, vtrum in ipsa, & per ipsam, hoc perficiendum fuerat, quia cum humilis erat, non tam alta de se suisq; meritis cogitabat.

III.

Angelus Incarnationis Dominicæ nuntius, non fuit supremus ex ordine Seraphinorum, Archangelorum tamen Princeps extitit, qui ad annuntiandum supremum omnium mysteriorum nec inferior mitti debuit. Verisimile autem est eundem Angelum, ad inferiores etiam legationes missum fuisse: ex quo nulla infertur inconuenientia, omnes enim legationes quæ de hoc Angelo leguntur, ad hoc Incarnationis mysterium vt Sancti obseruant Patres ordinantur.

IV.

Commodè ab Angelo Virgo Beatissima de Conceptione Diuina instrui potuit. Licet enim dignitate Matris Dei, ad quam Diuinitus eligebatur Angelos superabat, fuit tamen illis quantum ad vitæ præsentis statum inferior. Congruum fuerat vt per Archangelum Gabrielem, qui fortitudo Dei dicitur, hoc legationis secretum deferretur, quod tum Deus maximè fortitudinem suam ostenderit, cum mortalem & infirmam hanc carnem, assumpsit.

V.

Corpus Angeli, non solum fulgens, sed etiam pulcherrimam eius & ab omni tenuissima corporis mole liberam substantiam, oculò mentis videri à Beatissima Virgine potuisse, authoritate Sanctorum Patrum adductus, non improbo; cum enim hoc multis Sanctis in hac mortali vita concessum esset, cur non potius Matri Dei hæc tribueretur prærogatiua? nec in hac potius salutatione quam alio tempore? Conuenie-

ueniebat tamen magis, vt cum inuisibilis Deus visibilem assumpturus carnem veniret: & inuisibilis Spiritus in forma visibili id nuntiaturus appareret. Huius corporis humana necessaria fuit forma, ex elementari formata materia.

VI.

Turbationem à Virgine, quam quidam infirmitate corporis turbati in ea assignant, cum mens ipsius ad videndum rem insolitam, & ordinis præsertim superioris eleuata esset, ego arceo. An ne debilitas & indeliberata rationis motio in ea locum habere potuit, quæ fortitudinem & sapientiam ipsam, mundo editura fuit? si ergo turbata fuit, certe non in visione sed admiratione rerum ab Angelo sibi delatarum: humanum enim excedebant ingenium.

VII.

Ante discessum Beatam Virginem Christum concepisse communis affirmat sententia, cum hæc & ego. Illis verò qui asseuerant immediate statim post verba illa *Dominus tecum*, Verbum incarnatum fuisse, non annuo. Quorum enim ex Angelo quæsitum fuisset, *Quomodo fiet istud*, quod factum esse affirmant? Tunc ergo concepit quando verbis illis *Ecce ancilla Domini*, humillimum præbuit consensum.

VIII.

Aue, in fronte salutationis ad Beatam Virginem factæ, idem significat quod Gaude vel Lætare, Diuina tamen providentia factum esse arbitror quòd interpretes salutationis huius hac voce potius quam alia

usus

vsus fuerit. Indicat hoc Deiparam omnes calamitates
quas Eva in mundum inuexerat, in æternam commu-
tasse felicitatem, & à Væ omnis peccati, aliarumque
calamitatum, quas illa humano intulerat generi, sin-
gulari Dei priuilegio immunem fuisse.

MARIA

I X.

Honorificentissimum nomen hoc Mariæ casu ef-
se omisum dicere non audeo, qui casus in Spiritibus
Beatis & indeliberatas voluntates non agnosco, sed
id Diuinæ prouidentiae adscribo. Venerandum enim
nomen hoc Spiritus purissimus reticere potius, quam
illud: non pro dignitate & iusta excellentia proferre,
debit. Quanquam & illos non reprehendo, qui ma-
ius illi nomen quod meritis sibi suis comparauit cæ-
lo ab Angelo allatum fuisse volunt: Gloria siquidem
ex suo certissima ex alieno vulgaris & aliena.

X.

In assignando hoc nomine Mariæ, eximium Di-
uini amoris apparuit signum. Rectè igitur Maria vt
potè Domina, Mirrha, Mare, illustrata seu illumi-
nata appellatur. Dominium eius supra omnem quæ
sub Deo est creaturam extenditur. An non hæc Do-
mina cui Dominus dominantium subditus esse volu-
it? cuius vniuersa terra proclamat imperium & ve-
neratur principatum? an hæc non Domina, quæ spe-
ciale

ciale quoddam ius à Filio sibi in omnes res creatas concessum possidet? Decet Matrem eos quæ filij sunt possidere: & cum à Domino honoretur, à subditis cur nō adorabitur? obmutescat ergo impudens fæx Caluini desinant sacrilegæ sibillare Viperæ, quæ illam de folio istius dignitatis contendunt deturbare.

Mirrha cum propter amaritudinem sit mortificationis symbolum, non immeritò tribuitur Deiparæ, quæ castissimum & innocentissimum corpus suum variis tractabat asperitatibus. Sed obsequentissimum corpus spiritui habuit, nec contrariam in carne sua spiritui legē sensit; cur ergo mortificationibus passiones quas non habuit reprimebat? vsa est externis mortificationibus nō vt indigeret, at vt vera Christi sectatrix esset, nosq; exemplo suo mortificationes eius in corpore nostro circumferre, edoceret.

XII.

Mare dicitur & conuenienter, nonne vt mare omnium fluminum & fluuiorum est origo? ita illa post Christum omnium diuinorum donorum; audacter dicere possum eam plures gradus gratiæ adeptam fuisse, quàm sit in cælestibus Spiritibus & Sanctis omnibus, etiamsi omnia eorum merita, in vnum, collectiue sumpta, aceraum conferantur. Ergo Matrem Christus plus dilexit quàm Ecclesiam? ita censeo; si per Ecclesiam reliquum corpus absque Virgine intelligatur quæ vniuersas eius partes simul sumptas admirabili sua transcendit præstantia, & gratiæ amplitudine.

B

XIII. Ma-

XIII.

Mariam non tantum amarum mare sed etiam amarissimum meritò dico, quia innumerabiles dolores ad crucem Christi in animo pertulit. Certè dolor Christi dolor fuit Mariæ, & mors Filij Matri mortem, Diuino nisi singulariter munita fuisset auxilio attulisset. Vnde violentam mortem licet non subierit Martyrij: attamen Aureola iure decoranda, cum mors ad quam in proxima fuit causa, in illa diuinitus sit impedita. Præter aureolam Martyrij, Virginitatis illi superaddo. Prima ex omnibus voto se tantæ mancipauit virtuti, & gloriosam Deo se dicendi præferens alijs facem, præscripsit rationem.

XIV.

Illuminatam seu illuminatricem nec falso asseuero, propter multiplex quo illustrata fuit lumen. Profectò lumen fidei nullus habuit, illâ perfectius; cum nullum vnquam metum etiam primo primum, dubitationis senserit, & omnia mysteria quæ ad Diuinitatem & Humanitatem Christi pertinent, perfectissimè crediderit. Calumniam mendacis Erasmi ab illa repello, qui filium statim ac peperit, eam non adorasse impiè contendit. Anne Elizabeth felicior Matre Dei? quæ in vtero adhuc Mariæ Deum agnouit & adorauit? Mariam verò hoc neglexisse, quis nisi amens & stultè & pertinaciter inficias ibit?

XV.

Visione actuali beatifica quod in hac etiam mortali vita ad breue tempus Deum viderit, non impossibile esse omnino puto, licet enim mortalitatis stipendia

pendia merebatur, tamen cum hæc prærogatiua multis aliis concessa fuerit, cur non potius augustissimæ Dei Genitrici concedi potuit? Scientiæ super infusæ claritate non caruit, qua perfectè Deum & creaturas intelligebat, bona amplectenda, mala fugienda noscebat. Hoc Scientiæ superinfuso dono cum ad docendum alios usâ fuerit, Aureolam quoque Doctorum meruit. Scientiam rerum naturalium etsi habere potuerit, in illa se tamen cum statum eius non deceret, non exercuit.

GRATIA PLENA

Plenitudinem gratiæ Beatæ Virgini attribuo, non eam quæ in Christo fuit, sed quæ eam ut Matrem Christi decuit, cuiusque tam excellens ac singulariter Deo coniuncta creatura capax esse potuit. Hauriat ergo ex hoc fonte creatura & perfundatur rore gratiæ eius peccator, quæ ut multitudine meritorum omnem superaret creaturam, ita & prærogatiua gratiæ omni rei creatæ præponeretur, erat necesse. Hinc de æqualitate meritorum eius cum aliis Sanctis, absurdum absurdi dogma Lutheri respuo. Quis enim tam excors, ut Matrem mancipio faceret æqualem? quistam iniurius? ut non plus se Genitrici propriæ quàm seruo suo debere affirmaret?

Prima Sanctissimæ Dei Genitricis ad Grati-
am, Gloriam, & dignitatem Matris Dei, electio potuit
esse in Deo gratuita, & omnino independens à meri-
tis præiis imò de facto fuit. Prius tamen secun-
dum rationem nostro intelligendi modo, ad digni-
tatem Matris Dei, quàm ad tantam Grati-
am & Gloriam. Ideo enim ea ad tantam Grati-
am & Gloriam prædestinata est, quia & in Matrem electa. Electio
hæc ad Maternitatem Grati-
& Gloriam per se
& absolute ante præiis originale peccatum, fuit
omnino perfecta.

XVIII.

Gratias gratis datas dici volo, quæ gratis dantur,
non quia gratia gratum faciens gratis non detur,
sed quia hoc solum habeant, cum gratum non fa-
ciant. Horum nouem genera cum sint, nullam Dei-
paræ detraho, Cum enim propter confirmationem
fidei seu spiritualement aliorum profectum dantur:
certe per Matrem suam Christus fidem maximè con-
firmare potuit, quæ in id toto vitæ tempore incu-
buit, vt filij sui exemplo alios ædificaret, vt de facto
ædificauit.

XIX.

Gratia sanctificans ita in Virgine fuit vt in ea &
post incarnationem proficere potuerit, & de facto
profecerit. Eius augmentum omnibus & singulis
humanis actibus à voluntate & ratione pendentibus
merebatur, non tantum vigilando sed etiam dor-
miendo,

miendo, propter scientiam infusam qua sine conuer-
sione ad phantasmata uti potuit.

XX.

Hoc idem augmentum ex opere ut aiunt operato
consequatur. Nam aliquibus Ecclesiasticis Sacra-
mentis usa est, praesertim Baptismo, Confirmatione,
Eucharistia, Sacramento Ordinis uti non potuit, il-
lius namque ob famineum sexum capax non fuit,
usum Poenitentiae ab ea omnino excludo & Sacer-
dotem qui supra Virginem verba illa *Ego te absolvo*
protulisset, sacrilegij condemno. Extremam simili-
ter unctionem aut certe illius usum, quod supponit
peccati labem, Virgini minime fuisse necessarium
censeo.

XXI.

Matrimonium Virginis cum Iosepho non fuit Sa-
cramentum, quia nondum erat illius Sacramentum
institutum. Ita tamen fuit verum ut oppositum as-
ferenti aliqua saltem temeritatis nota inuratur. Hoc
tamen intelligendum est quoad primariam Matri-
monij perfectionem, quae in animorum coniunctione
indivisa consistit, non quoad secundariam in ope-
ratione secunda per quam suum finem consequitur.
Nam taliter non fuit consummatum, quia ex illo pro-
les non fuit generata, habuit tamen Virgo eam per-
fectionem in prolis educatione.

DOMINVS TECVM

XXII.

Deus qui in aliis est creaturis tribus modis in Virgine fuit. quarto specialiter modo scilicet per identitatem. Probabile enim est aliquam Virginei corporis substantiam, ex qua fuit Christi corpus, & in principio constitutum & postea auctum, quamdiu sanguine vel lacte matris nutriretur, fuisse hypostaticæ Verbo Dei unitam, & nunquam postea demissam, aut continua caloris naturalis actione resolutam, sed eandem omnino fuisse semper conseruatam Verbo Dei.

XXIII.

Nouem continuis mensibus in sanctissimo Virginali vtero Christus requieuit. Vnde & Virgo est naturalis Mater Christi, & Christus est verus & naturalis Filius sanctissimæ Virginis. Nam licet ex parte operationis Spiritus Sancti natiuitas eius miraculosa fuerit, & supernaturalis, ex parte tamen Matris naturalis fuit.

XXIV.

A relatione maternitatis qua Virgo mater respicit Christum realitas sine temeritate excludi non potest. Est enim realis & eiusdem speciei cum aliarum matrum relationibus. Quia Virgini idem concursus quem aliæ matres in interna ac substantiali filiorum con-

conceptione ac generatione habere solent, in conceptione & Natiuitate vnigeniti sui non defuit.

XXV.

Filiatio qua Christus Matrem respicit non potest esse realis relatio, sed rationis tantum, quia respicit personam æternam, quæ relationis temporalis & realis subiectum capax non est, eo quod relatio quæ ex tempore de Deo dicitur, non ponat in ipso Deo æterno aliquid secundum rem sed secundum rationem tantum.

RELATIONES XXVI.

Relationes Matris & Filij in Christo morte non sunt extinctæ, sed etiam nunc in Christo & Virgine perseverant, unde dignitas Matris Dei morali saltem considerata modo, manet semper in Deipara, quæ minime etiam in triduo mortis Christi imminuta fuit. Licet enim tunc non esset hic homo quem beatissima genuerat Virgo, verè tamen erat ille quem genuit, habens vnitas sibi partes illius humanitatis quas ex Virgine accepit, quod ad dignitatem maternitatis dictam morali conseruandam modo sufficit.

BENEDICTA TV IN MVLIERIBVS

XXVII.

Benedicta fuit quia omni maledictione nemo vnquam mortalium exceptus sola ipsa caruit. A sorde
pec-

peccati originalis mundissima nullam labem ex primis contraxerat parentibus, nam singulari Dei privilegio ex generali humani generis captiuitate erepta est. Æquum profectò erat vt quæ Stygij serpentis caput contritura esset, eius seruire nunquam pateretur iugum: æquum erat, vt quæ gratiam paritura esset, nunquam gratia destitueretur.

XXVIII.

Peccati cuiusuis actualis ne minima quidem in Virgine Beatissima suspicio, vnde impudentem Caluini calumniam pudicus purissimæ Virginis cultor damno, qui Beatissimam Virginem peccati accusat quod Christum amiserit, cùm nobis silentibus Euangelium ipsum ab hac eius turpi blasphemia eam excuset. Concludo itaque Deiparam non à mortali tantùm sed etiam ab omni vel leuissimo veniali immunem fuisse, & totum vitæ suæ spatium absque vlla macula expediuisse.

XXIX.

Potentiam ad peccandum in ea quæ visione beatifica & vnione hypostatica tantum tollitur, amoris eius impeditam non asseuero, licet enim intense Deum diligebat, cessare potuit. Fomitem ab ea alieno. Istene tyrannus aliquid iuris aut tributi in ea habuit, quæ non tantum libera sed etiam regina fuerat & Regem regum genuerat? Extinctum autem aut ligatum non concedo, sed nunquam fuisse in ea religiosus & veritati consonus dico, quomodo enim is extingui aut ligari potuit qui nunquam fuit. Nulla
ergo

ergo carnis bella eam affligerunt; cum enim originale peccatum parens fomitis in ea non fuit, nec Filius esse debuit.

XXX.

Post conceptionem pulchritudinem more aliarum prægnantium & nutrientium non tantum non amisit, sed ita adauxit, ut etiam à castissimo sponso suo Iosepho præ nimia pulchritudine in partu, qua fuit adornata, videri non potuerit. Forma tamen eius nulli ad inordinatum motum præbuit ansam, imò reprimendi in alijs libidinosos affectus, virtutem habuit efficacem.

XXXI.

A lege cum dolore pariendi, & ex viro concipiendi excepta simpliciter fuit. Benedicta enim cum esset, quomodo eam hæc lex maledictionis & culpæ per peccatum illata, sub qua nunc mulieres pariunt vexaret? mortua omni debito poenæ in purgatorio persolvendæ carens, in coelum statim sublata est; corpus quoque tertiæ die, ut probabilior putat opinio, post dormitionem assumptum, nec in cineres resolutum, nec vermium morsus pertulit. Si enim mundi Reginis multa conceduntur privilegia, quidni credamus inter alias multas hanc etiam Reginæ coeli à Deo prærogatiuam esse concessam? cur etiam hæc caro corruptionem pati deberet, per quam redemptio & integritas nostra est restituta?

C

ET

ET BENEDICTVS FRV-
CTVS VENTRIS TVI.

XXXII.

Virgo Diuinissima benedictum hunc ventris sui fructum, huic mundo edendo florem Virginitatis non amisit, sed integerrima prorsusque incontaminata permanfit, quia ex sola Spiritus Sancti virtute, & operatione Christum Dominum concepit, vnde absque omni dubio asserendum est, Matrem Christi semper Virginem fuisse, non solum in corpore, sed etiam in anima propter summam & integerrimam Virginitatis perfectionem.

XXXIII.

A principio vltus rationis habuit firmum propositum, seruandi perpetuam Virginitatem ex motione Spiritus Sancti, a quo statim ab infantia mota est, vt quod melius ac gratius Deo esset adamaret, & quantum in ipsa esset perficeret. Hoc propositum seruandæ Virginitatis adhuc ante desponsationem cum Iosepho absoluto firmavit voto, & non conditionato sub ea scilicet conditione si Deo placuerit; nam tale votum parum a desiderio (quo plus aliquid Deipara habuit) differt.

XXXIV.

Benedictum hunc ventris sui fructum edidit mundo

do sine vlla Virginei corporis dilatione, immutatione, aut iniuria. Nam ad eum modum ex vtero Virginali Christus est egressus quo exiuit de sepulchro vel ingressus ad discipulos ianuis clausis non transilendo, nec dilatando, aut immutando, sed simpliciter penetrando interiacentia corpora simulque cum illis in eodem loco existendo.

XXXV.

Ad formandum hunc sacrosanctum in Virginali vtero suo fructum, ministrauit materiam non ex menstruo sanguine qui imperfectus est, & quodammodo ad corruptionem tendens, sed ex purissimo qui tum ob singularem Virginis temperiem, tum ob singularem Spiritus Sancti providentiam talis fuit. Si Christus corpus acciperet ex Virgine formando illud ex costa -v.g. aut alio simili modo non magis posset Virginis appellari filius, quam Eva dici filia Adæ. Licet autem in ipsa Christi conceptione actiue nihil operata esset, ita tamen materiam ministrauit vt verè & propriè maternum concursus hac in parte præstiterit: vnde habuit omnem efficientiam, quam necesse est habere foeminam vt vera mater sit.

XXXVI.

Mater non tantum huius hominis scilicet Christi sed etiam Mater DEI cum omnimoda proprietate dici debet. Quia humanitas Christi eodem temporis momento, quo perfectè in vtero Virginis formata fuit,

fuit, & existere in rerum natura incepit, fuit assum-
pta & vnita Deo hypostaticè. Quare hic homo Chri-
stus semper à primo instanti conceptionis suæ fuit
Deus homo, & nunquam purus homo. Quia verò
concepit hunc hominem & hic homo in ipsa conce-
ptione fuit Deus, concepit Deum & est Mater Dei.
Huic dignitati Virgineæ cultum hyperdulciæ dese-
rendum esse censeo; at Deo libertatis nostræ Vindici
& Restitutori dulciæ, cum summa per omnem æter-
nitatem gratiarum actione, quod eam ad tantam
ab æterno elegerit dignitatem, & nostram
apud se constituerit Aduocatam.

Deo Vnigenito,
Semel Matri, Semper Virgini,
Honor & Gloria.



